

A E enemigu di e Beibel.

- ❖ Pensa tokante kiko e palabra papiá di Dios ta kapas di hasi: kreando i dunando bida (Salmo 33:6), òf lantando e morto (Juan 5:28-29).
- ❖ Kiko e Beibel, e palabra skirbí di Dios, lo por hasi? E tin e poder pa defende nos (Efe. 6:17b) i transformá nos (Heb. 4:12). Hesus a huza e Beibel pa defendé Su mes kontra di tentashon (Mat. 4:4, 7, 10).
- ❖ Satanás sa ku é ta sin poder kontra di e poder di e Beibel. Pesei, el a purba pa físikamente destruí esaki. El a faya, segun ku sosiedatnan Bíbliko a kuminsá distribuyendo miles di kopianan. E ora ei el a purba pa deskreditá esaki ku kritika mas haltu. Awor é ta buska pa prevení nos di lesa esaki dor di okupando nos tempu ku otro kosnan.
- ❖ Mi ta bai lag'é skapa ku esaki? Mi no por haña un tiki tempu den mi skema(lista) pa lesa e Beibel? Lesando esaki ta transformá nos i ta hasi nos fuerte kontra di nos peor enemigu: e diabel.

B Maneranan korekto i inkorekto pa lesa e Beibel.

- ❖ Formanan inkorekto.
 - Buska algu ku ta aliniá ku nos punto di bista.
 - Skohiendo tekstonan sin meta, sin propósito.
 - Skohe e partinan ku nos ta gusta, i rechasá e partinan ku nos no ta gusta.
- ❖ Formanan korekto.
 - Buska pa siña Dios Su boluntad.
 - Dirigí un estudio sistemátiko.
 - No rechasá ningun teksto, pero analisá nan tur.
- ❖ Nos estudio di e Beibel mester ta rashonal, pero nos rason mester someté na e poder di e Spiritu Santu pa por deserní korektamente e mensahe bíbliko..
- ❖ Pakiko? Pasombra nos rason ta limitá i no semper konfiabel. Pesei, ora nos ta studia e Beibel, nos mester buska e sabiduria di esaki su Outor.

C Kiko e Beibel ta?

- ❖ Den nos sosiedat, i asta meimei di sírkulonon Kristian, tin un kreensia ku bèrdat ta relativo, ku no tin ningun bèrdat ku ta keda konstante i inkambiabel riba tempu..
- ❖ Sinembargo, e Beibel — komo e palabra di Dios — ta reklamá di ta posee bèrdat apsoluto (Salmo 119:160; Juan 17:17; Santiago 1:18). E ta reklamá di ta puru i un eskudo protektivo kontra di sofisteria humano (Proverbionan 30:5). Si nos agregá kualke di nos propio “ bèrdatnan ” na esaki, nos lo por wòrdu konsiderá mintirosonan dilanti di Dios (Proverbionan 30:6).
- ❖ Kualke reklamo, kualke bèrdat, mester wòrdu di test dor di e Beibel. Ora ku tin un kontradikshon entre loke nos ta konsiderá bèrdat i loke e Beibel ta deklará, tin dos posibilidat: sea nos ta kiboká, òf nos ta mal interpretá e Beibel.

D Efektan positivo di lesa e Beibel.

- ❖ Algu ku asta e enemigunan di mas ardiente di e Beibel no por nenga ta esaki su poder pa transformá hende. Pablo ta kompar esaki ku un spada ku ta posee gran poder.
- ❖ E ta hasi nos mira nos mes manera nos ta berderamente (Heb. 4:12); E ta tene nos for di piká (Sal. 119:11); E ta kuminda pa nos alma (Jer. 15:16); E ta hasi nos krese spiritualmente (1 Pedro. 2:2); E ta duna nos bida 6:63)
- ❖ Ningun otro buki por afektá nos manera e Beibel. Ora ku nos ta dispuesto pa inkorporá esaki su siñansanan den nos bida, nos ta kambia pa lo mihó.
- ❖ Ora ku nos lesa esaki ku un kurason habrí i pidi Dios pa e iluminashon di e Spiritu Santu, nos bida ta wòrdu transformá.

E Amigunan di e Beibel.

- ❖ Amigunan di e Beibel ta aserká esaki ku e konsiensia ku e ta e Palabra Bibu di Dios (1 Tesalonisensenan 2:13). Pero kon ami por alkansá e konvikshon ei?
- ❖ Pablo ta bisa nos ku, pa esaki, nos tin mester di bon huisio spiritual, esei ta, e abilidadat pa komprende kosnan spiritual (1 Korintionan 2:14). Pesei, deserniendo e mensahe divino den e Beibel ta e trabou di e Spiritu Santu aktuando den nos.
- ❖ Ora ku nos risibi e Beibel na e manera aki, E ta mustra nos e estado di nos relashon ku Dios; E ta bisa nos kon pa fortalese e relashon ei; Nos ta eksperensiendo un transformashon gradual; Nos ta hala serka di Hesus; E ta hasi nos sabi pa salbashon; Nos ta kresiendo den e konosementu di e bèrdat; Nos fe ta krese i ta fortalese; Nos tin speransa; Nos ta konsiente ku un bida mihó, etèrno, maraviyoso ta warda nos.